



(khas bagi Majalah Qalam - tidak dibenarkan dikutip)

Berzikir dalam Masa Mengantar Jenazah

Ahmad Bin Ali Geylang Serai Singapura bertanya:

Adakah cara berzikir beramai-ramai tatkala menghantar jenazah pernah dikerjakan oleh Nabi dan sahabat-sahabatnya dahulu?

Jawab : Berzikir memang nyata baik tetapi berzikir dalam masa menghantar jenazah tidak disuruh bahkan tidak dikerjakan oleh Nabi, sahabat-sahabatnya, tabi‘īn, dan imam-imam yang empat.

Cara yang demikian adalah dilarang oleh syarak dengan hadis junjungan kita (SAW) yang dipeturunkan di bawah ini maksudnya:

“Sesungguhnya Allah Ta‘ālā suka kepada diam pada tiga perkara : Pada waktu membaca Quran, pada waktu mara di medan peperangan, dan pada waktu menghantarkan jenazah”.

(H.R Ṭabarānī)

Abū Burdah pula berkata: “Adalah Nabi (SAW) tidak suka dengan adanya suara yang nyaring pada tiga perkara: Pada waktu menghantar jenazah pada waktu berzikir dan waktu peperangan.”

(H.S.R Abū Dāwud)

Ibn ‘Umar pula berkata: “Rasulullah (SAW) telah menegah kita menghantar jenazah yang bertanya suara riuh...”

(H.S.R Ahmad dan Ibn Mājah)

Demikian juga sahabat-sahabat Nabi sebagaimana yang dijelaskan oleh Qiyyas bin ‘Ibād. Katanya: “Adalah sahabat-sabahat Nabi (SAW) tiada suka kepada tiga perkarasebagaimana yang telah

Peringatan:

Pertanyaan-pertanyaan yang tidak disertakan tanda tangan dan alamatnya yang terang tidak diraikan. Juga pertanyaan-pertanyaan yang mengenai di sekeliling hal ehwal masyarakat kita itulah yang diutamakan daripada soal yang sulit-sulit dan jarang berlaku oleh kerana ruangan ini adalah berguna juga untuk panduan pembaca-pembaca.

tersebut di dalam hadis di atas. Keterangan Qiyyas ini ialah riwayat sahih diriwayatkan oleh Abū Dāwud dan Ibn Mandhur.

Dengan ini nyatakan bahawa Rasulullah (SAW) dan sahabat-sahabatnya adalah melarang perbuatan itu.

Tiga fatwa

Yang Mana Hendak Dipegang ?

Wan Muhammad bin Long, Kuala Terengganu, bertanya: yang mana satu hendak diturut di antara tiga fatwa rasmi yang dikeluarkan oleh tiga buah jabatan agama seperti yang tersebut dibawah ini:

Menurut siaran pejabat agama kerajaan Terengganu adalah awal-awal nasab padi 375 gantang (sukatan kerajaan Terengganu) Dalam sebuah kitab pula (namanya kitab pelajaran feqah) keluaran Kelantan yang telah disahkan oleh majlis agama Islam Kelantan ialah sebanyak 400 gantang (sukatan kerajaan Kelantan), dan di dalam siaran radio Melayu pula pihak jabatan agama Islam Selangor ada menerangkan iaitu sebanyak 480 gantang Malaya.

Jawab : Perkara ini memang sesuatu dan kena pada tempatnya kalau jabatan-jabatan agama yang tersebut memberi penjelasan. Kita berharap perkara ini seyogia mendapat perhatian kerana mengenai suatu rukun Islam yang sangat-sangat penting bagi kebajikan masyarakat umat Islam di Tanah Melayu.